



Capitulo 03 – Consellos a l'ora d'utilizar un punto limpio


-O treballo de reciclache encomenza en casa-

- A norma más importán ye ista: O millor repui ye o que no se chenera' y pa chenerar menos cal crompar con cabeza evitando a 'compra compulsiva', aproveitar o mercáu de segunda mano pa alargar a vida útil de lo ya fabricau u utilizar a imachinación y fer-lo nusatros mesmos a partir de materials refusaus (i hai muitos tutorials y videos en internet). I hai muchos materials que tot y con tener contenedor an depositar-los o suyo reciclache ye prauticamén imposible de realizar. U materials mezclaus imposibles de deseparar como: tarchetas d'añals con musica (con papel/cartón, dispositivo electronicu y batería), as etiquetas d'os envases, calzau esportivo con luzes led, etz.; lo millor ye no crompar-los ta que os fabricans dixen de fabricar-los. Cuan vaigamos a fer a compra levar os nuestros propios envases pa chenerar menos repuis. Porque anque un articlo meta que ye reciclable puede que no s'ía 'valorizable', ye dezir, que no i aiga interpresas que s'encarguen de recuperar os suyos materials pa reficar-los en a cadena de reciclache y por tanto rematen en un vertedero u una inzineradora. Un exemplo d'isto lo podrás trobar en o Capítol 20. En resumen REDUZIR os nuestros repuis.

- **Recordatorio:** anque o punto limpio almita un material u repui no significa que s'ía 'valorizable' u que i aiga interpresas que crompen ixé material pa reciclar-lo y tornar-lo a usar. Muitas vezes ocurre que o coste d'o prozeso ye tan elevau que no 'intresa a las interpresas' y remata en un vertedero u una inzineradora.

- **Cuan a visita a lo Punto Limpio ye obligada** cal deseparar os repuis por materials previamén en casa. No ir calando en bolsas chigans de vasuera tot o que no queramos pensando que os treballadors tienen una vareta machica que desepara u 'recicla automaticamén'. Tampoco emos d'asperar que els faigan ixé treballo que ye responsabilidad d'o que alquirió l'obcheto y ya no l'amenesta. A mayoría de vezes ye útil utilizar a lochica que femos servir en as nuestras compras, por exemplo: un aparato electronicu l'alquirimos en una botiga u espazio espezializau anque tenga plasticu, metal, cables, etz., pus tamién tiene o suyo espazio reservau en o punto limpio, no vale con pensar: 'como yo veigo que ye de plasticu lo dixo en o contenedor de plasticu duro'.

–**O millor reciclache ye o que no se realiza:** ye un prozesu largo y contaminán con un alto señal de carbonu. Si o que queremos ‘tirar’ puede estar útil u agún funciona correctamén i hai puntos limpios que tienen zona habilitada an depositar-los ta que otros ciudadanos puedan fer usu d’els, sino seguro que i hai Asoziaciones locals que los azeptarán gustosamén pa aduyar os que l’amenesten y no pueden permitirse o fachenda de comprar-los. Tallar o cable de l’electrodomesticu u estricallar o que vaigamos a tirar si sigue estando apto pa lo suyo usu –solo porque ye mío y no quiero que dengún lo utilize- no ye d’estar solidario con os más desfavorexius ni con o meyo ambién.



Exemplo d’o programa que tienen cualques puntos limpios pa chestionar as reutilizaciones d’os usuarios.

- **Un inziso:** o que en un fogar se cataloga como ‘no apto’ vareya muito d’o que en unatro se ‘puede usar agún’. Si tenemos bella cosa que puede seguir usando-se emos de donar-lo más limpio posible y en as condiciones más optimas.

Visita o capítulo 03 “Consellos” en **YouTube**: <https://youtu.be/MYjEKcEX6Q>

